



REPUBLIKA E SHQIPËRISË



UDHËZUES PËR APLIKANTËT – ORGANIZATAT RINORE DHE/OSE ORGANIZATAT PËR TË RINJTË NË KUADËR TË THIRRJES PUBLIKE PËR PROJEKT PROPOZIME

Agjencia Kombëtare e Rinisë (AKR) krijuar në mbështetje të nenit 100 të Kushtetutës, të ligjit nr.75/2019 “Për rininë”, VKM nr. 681, datë 02.09.2020 “Për mënyrën e krijimit, të organizimit e të funksionimit të Agjencisë Kombëtare të Rinisë” duke u bazuar në VKM nr.566 datë 29.07.2022 “Për përcaktimin e kriterëve dhe të procedurave të përzgjedhjes së organizatave rinore, organizatave për të rinjtë, që përfitojnë financim nga fondet grant nga buxheti i shtetit të dedikuar për rininë”, financon projektet e propozuara nga organizatat rinore dhe/ose për të rinjtë që i referohen prioritetëve rinore të cilave i përmbahet kjo thirrje.

Përcaktimi i prioritetëve për këtë thirrje të parë bazohet në politikat e Qeverisë për Rininë, Strategjinë Kombëtare për Rininë, si dhe konsultimeve të bëra me Këshillin Kombëtar i Rinisë (KKR).

Qëllimi i këtij udhëzuesi është të ofrojë këshilla të qarta dhe koncize për të gjitha organizatat e interesuara në procesin e dorëzimit të projekt -propozimeve në kuadër të Thirrjes Publike për Organizatat Rinore dhe Organizatat Për Të Rinjtë për dorëzimin e projekt propozimeve.

1. SYNIMI I PËRGJITHSHËM I THIRRJES PUBLIKE PËR PROJEKT PROPOZIME DHE PËRPARËSITË

Ministri i Shtetit për Rininë dhe Fëmijët ka hartuar Strategjinë Kombëtare për Rininë 2022–2029 si dokumentin bazë për përgatitjen e politikave për aktivizimin, përfshirjen dhe mbështetjen e të rinjve në Shqipëri dhe adresimin e problemeve me të cilat përballen sot të rinjtë e që lidhen me sfida si përfshirja në proceset vendimmarrëse, punësimi, edukimi, teknologjia dhe inovacioni, rritja e aktiviteteve në lidhje me aktivitete rekreacionale, shtim të aktiviteteve sportive, vullnetarizmi etj.

Organizatrat rinore dhe organizatat për të rinjtë janë aktorë thelbësorë që veprojnë në territor dhe që shërbejnë për të mbështetur mbrojtjen dhe avancimin e të drejtave të të rinjve, shpesh herë përtej veprimtarisë së institucioneve shtetërore. Ligji për Rininë nën nenin 11 të tij, përkufizon organizatat rinore si “persona juridikë jofitimprurës, të krijuar dhe të regjistruar në përputhje me legjislacionin në fuqi për OJF-të, objekt aktiviteti i të cilave është përfaqësimi, mbrojtja dhe zhvillimi i interesave të të rinjve në mënyrë gjithëpërfshirëse”. Ndërsa nën nenin 12 të tij, përkufizohen organizatat për të rinjtë si “persona juridikë jofitimprurës, të krijuar dhe të regjistruar në përputhje me legjislacionin në fuqi

për OJF-të, të cilat në fushën e tyre të veprimtarisë synojnë gjithashtu mbrojtjen dhe zhvillimin e interesave të të rinjve dhe që kanë përvojë në zbatimin e programeve me ndikim tek të rinjtë.”

Vendimi Nr. 566, datë 20.7.2022 të Këshillit të Ministrave “Për përcaktimin e kritereve dhe të procedurave të përzgjedhjes të organizatave rinore dhe organizatave për të rinjtë që përfitojnë financime nga fondet grant nga buxheti i shtetit, të dedikuara për rininë”, parashikon që thirrjet konkurruese për projektpropozime nga organizatat rinore dhe për të rinjtë bazohen mbi analizën e mundësive dhe problematikave për rininë, që adresojnë nevojat dhe prioritetet përcaktuar në strategjitë, planet e veprimit, politikat e programet qendrore dhe vendore për Rininë.

Për sa më sipër, AKR fton të gjitha organizatat rinore dhe/ose për të rinjtë në Shqipëri që të paraqesin projekt-propozime që janë në përputhje me analizën e mundësive dhe problematikave për rininë dhe objektivat dhe fushat e përparësisë për rininë si më poshtë:

Përcaktimi i qëllimeve politike të strategjisë u mbështet në një proces të gjerë konsultimi mbi prioritet dhe nevojat e të rinjve përgjatë periudhës tetor 2021-gusht 2022, që përfshiu dëgjesa me mbi 1400 të rinj nga gjimnaze dhe universitete të vendit, 45 organizata rinore dhe për të rinjtë, përfaqësues të 61 njësisë të vetëqeverisjes vendore, përfaqësues të organizatave të partnerëve për zhvillim që veprojnë në Shqipëri dhe kanë fokus mbështetjen e të rinjve, Këshillin Kombëtar të Rinisë dhe ministritë e linjës.

Në vijim të një procesi konsultues dhe gjithpërfshirës për përcaktimin e prioriteteve për financim nëpërmjet fondit grant, thirrja e dytë e Agjencisë Kombëtare të Rinisë, synon të adresojë prioritetet e Strategjisë Kombëtare të Rinisë 2022-2029 sipas fushave të përparësisë si vijon:

Fusha e përparësisë nr 1: Nxitja e novacionit rinor dhe aftësive digjitale të shekullit të 21-të tek të rinjtë.

Kjo fushë përparësie përfshin nxitjen dhe mbështetjen e novacionit rinor dhe rritjen e aftësive digjitale të shekullit të 21-të për të rinjtë, me qëllim krijimin e mundësive për punësimin cilësor të tyre, zgjidhjen e problemeve që shqetësojnë të rinjtë dhe zhvillimin ekonomik të komuniteteve ku ata bëjnë pjesë.

Veprimtaritë/idetë e sugjeruara për realizimin e kësaj fushe përparësie përfshijnë (por pa u kufizuar në to):

Zhvillimin e aktiviteteve të trajnimit dhe mentorimit për përvetësimin e aftësive digjitale në fusha që ofrojnë shkallë të lartë punësueshmërie për të rinjtë bazuar në studimet e tregut të punës, si psh. programimi kompjuterik, kodimi, etj.

Promovimin e përdorimit të internetit të sigurt dhe teknologjive të reja nga të rinjtë.

Nxitjen e konkurseve, forumeve dhe formave të tjera të krijimtarisë dhe të shprehurit së të rinjve përmes përdorimit teknologjive moderne dhe digjitale.

Përdorimin e novacionit dhe zgjidhjeve teknologjike nga të rinjtë për të adresuar problematikat me të cilat ata përballen, për të zhvilluar ekonominë vendore, nxitjen e sipërmarrjes rinore dhe vetëpunimit

Fusha e përparësisë nr 2: Mbështetja e këshillimit në karrierë dhe ndërlidhjes së të rinjve me tregun e punës.

Kjo fushë përparësie synon nxitjen e aftësisë dhe mirëinformimit të të rinjve për të përfituar nga mundësitë për punësim dhe orientim në karrierë dhe për të bërë zgjedhjet autonome, duke arritur potencialin e plotë të tyre kur i bashkohen popullsisë ekonomikisht aktive.

Veprimtaritë/idetë e sugjeruara për realizimin e kësaj fushe përparësie përfshijnë (por pa u kufizuar në to):

Mbështetjen e përvetësimit të aftësive teknike nga të rinjtë që lehtësojnë hyrjen në tregun e punës dhe ndikojnë avancimin e tyre në karrierë si aftësitë kompjuterike, përgatitja e jetëshkrimit dhe letrës së motivimit, përgatitja e aplikimit të punës etj.

Mbështetjen e përvetësimit të aftësive të buta nga të rinjtë që lehtësojnë përvojën e punës dhe avancimin e tyre në karrierë si aftësitë e komunikimit, negocimit, lidhshirimit, zgjidhjes së konflikteve etj.

Ofrimin e shërbimit të këshillimit për punësim dhe orientim në karrierë, në mënyrë të personalizuar dhe formë miqësore për të rinjtë, përmes përdorimit të metodave moderne dhe të testuara.

Zhvillimin e aktiviteteve të trajnimit dhe mentorimit për avancimin në karrierë dhe tregun e punës së të rinjve në fusha si krijimi i një sipërmarrje, aksesit në grante dhe financime, menaxhimi i fondeve, nxitja e veprimtarisë zëjtare etj.

Fusha e përparësisë nr 3: Mbështetja e mirëqënies aktive, të shëndetshme, fizike, sociale, kulturore dhe mendore e të rinjve.

Kjo fushë përparësie synon nxitjen mirëqënies aktive, të shëndetshme, fizike, sociale, kulturore dhe mendore të të rinjve, në të gjithë diversitetin e tyre.

Veprimtaritë/idetë e sugjeruara për realizimin e kësaj fushe përparësie përfshijnë (por pa u kufizuar në to):

Nxitja dhe promovimi i jetesës së shëndetshme dhe mirëqënies mendore, sociale, fizike dhe seksuale tek të rinjtë përmes ndërgjegjësimit, këshillimit dhe aktivizimit vullnetar në çështje që përshijnë mirëushqyerjen, nxitjen e veprimtarive fizike, parandalimin dhe rehabilitimin ndaj të gjitha formave të dhunës, trajnimin e varësive ndaj pirjes së duanit, drogës, alkoolit dhe lojrave digjitale, shëndetin mendor, shëndetin seksual dhe riprodhues, planifikimin familjar etj.;

Promovimin e shërbimeve shëndetësore miqësore për të rinjtë dhe nxitjen e aksesit të të rinjve në to; Nxitjen e angazhimit dhe krijimtarisë së të rinjve për promovimin e vlerave kombëtare dhe evropiane përmes zhvillimit të të gjitha llojeve të veprimtarive artistike, kulturore, sociale dhe edukative;

Nxitja dhe promovimi i jetesës së shëndetshme të të rinjve përmes zhvillimit të aktiviteteve sportive (me përjashtim të aktiviteteve të basketbollit dhe volleybollit);

Aspektet ndërdimensionale:

Tërësia e veprimtarive/përqasjes së mësipërme duhet reflektuar në projektpropozime që adresojnë në mënyrë të përshtatshme aspekte si:

Shpërndarje gjeografike në më shumë se një bashki (*për projektpropozimet e organizatave për të rinjtë);

Përfshirje e zonave rurale në ndërhyrje;

Përshirje apo adresim i nevojave së të rinjve në kushte rreziku apo vulnerabiliteti;

Përshirje apo adresim i nevojave i të rinjve me aftësi të kufizuara;

Përshirje e të rejave në ndërhyrje;

Fondet do t'u ndahen atyre organizatave, projektet e të cilave i kontribuojnë zgjidhjes së një apo më shumë prioriteteve, që përmbushin kriteret e cilësisë dhe kushtet e tjera të kësaj thirrje publike, sikurse përcaktuar në këtë Udhëzues.

2. FONDET (GRANTET) QË JANË NË DISPOZICION PËR PROJEKTE

Vlera e granteve që ndahen si pjesë e kësaj thirrje publike duhet të mos tejkalojë shumën maksimale si më poshtë:

- shuma maksimale organizatat rinore: 1.500.000 Lekë
- shuma maksimale organizatat për të rinjtë: 3.500.000 Lekë

Grantet e alokuara në këtë thirrje publike mund të mbulojnë shpenzimet administrative dhe shpenzimet e personelit deri në masën 30% të shumës së kërkuar. Ndërsa, pjesa tjetër prej 70% të fondeve, duhet të parashikohen për aktivitete programore të projektit.

Për secilin projekt, 4 – 6% e vlerës totale të propozuar duhet të parashikohet për aktivitete që lidhen me dukshmërinë/vizibilitetin.

Totali i grantit për këtë Thirrje është: **58.000.000 Lekë.**

Agjencia Kombëtare e Rinisë ka të drejtën për të mos ndarë të gjithë fondin në dispozicion nëse projekt-propozimet që dorëzohen nga kandidatët nuk i përmbushin kriteret e kërkuara.

3. KUSH MUND TË APLIKOJË

Pjesëmarrja në këtë thirrje publike është e hapur dhe e barabartë për Organizatat Rinore dhe Organizatat për të Rinjtë që janë zyrtarisht të regjistruara dhe në përputhje me dispozitat ligjore në fuqi në Shqipëri.

Kandidatët e mundshëm nuk mund të marrin pjesë në thirrje ose nuk do të marrin grante nëse nuk dorëzojnë bashkë me projekt-propozimin, dokumentacionin që tregon se:

- a) nuk janë në proces shpërndarjeje ose likuidimi;
- b) nuk kanë detyrime tatimore apo kontribute të sigurimeve shoqërore dhe shëndetësore të pashlyera;
- c) përfaqësuesi i saj ligjor të mos jetë dënuar me vendim gjyqësor të formës së prerë.

Kandidatët do të përjashtohen nga pjesëmarrja në thirrje apo nga ndarja e granteve nëse në kohën e dorëzimit të projekt propozimeve:

- janë subjekt i ndonjë konflikti të interesit, sikurse parashikuar në dispozitat e Ligjit nr. 9367, datë 7.4.2005, i ndryshuar “*Për parandalimin e konfliktit të interesave në ushtrimin e funksioneve publike*”.
- janë fajtorë për dhënien e informacionit të rremë një pale kontraktuese të autorizuar, që kërkohet si parakusht për pjesëmarrje në thirrjen për dorëzimin e projekt-propozimeve ose nëse nuk dorëzojnë informacionin e kërkuar;
- janë përpjekur të sigurojnë informacion konfidencial, të ushtrojnë ndikim mbi Komisionin e Vlerësimit ose mbi një palë të autorizuar kontraktuale gjatë procesit të vlerësimit të projekt-propozimit;
- nuk kanë dorëzuar të gjitha dokumentet e nevojshme sipas seksionit 8 të këtij udhëzuesi;
- shuma e financimit të kërkuar nga AKR është më e lartë nga shuma maksimale prej 1.500.000 Lekë për organizatat rinore dhe 3.500.000 Lekë për organizatat për të rinjtë;
- kohëzgjatja e propozuar e projektit është më e shkurtër se 6 muaj ose më e gjatë se 12 muaj;

4. KOHËZGJATJA

Kohëzgjatja e projekt – propozimit mund të jetë nga 6 deri në 12 muaj.

5. VENDI I ZBATIMIT

Projektet duhet të zbatohen ekskluzivisht në territorin e Republikës së Shqipërisë.

6. LLOJET E PROJEKTEVE

- Projekt-propozimet që do të financohen nga AKR duhet të jenë të përgatitura në përputhje me thirrjen publike dhe prioritetet e saj.
- Projektet duhet të ofrojnë zgjidhje për nevojat specifike të grupeve të targetuara të identifikuara nga projekti.
- Projektet duhet të jenë paketa veprimtarish të integruara dhe metodologjike, të krijuara për të arritur qëllime të caktuara dhe rezultate specifike në kuadër të një periudhe të kufizuar kohore.

Aktivitetet në vijim nuk rekomandohen për ndarjen e granteve:

- Sponsorizimet individuale për pjesëmarrje në seminare, konferenca, kongrese;
- Bursat individuale për studime apo kurse trajnimi;
- Konferenca të herëpashershme (përveç nëse janë të nevojshme për zbatimin e suksesshëm të projektit);
- Financimi i projekteve që tanimë janë në proces ose kanë përfunduar;
- Projektet për përfitime ekskluzive të individëve;

- Blerja e pajisjeve dhe punët rehabilituese/ndërrhyrjet në infrastrukturë përveç rasteve kur janë patjetër të domosdoshme dhe brenda limiteve të shprehura në pikën 2 të Udhëzuesit. (në raste të tilla pajisjet mbeten pronë e AKR deri në momentin kur i dhurohen subjektit)

Aktivitetet në vijim përbëjnë shkak për refuzimin automatik:

- Projektet që mbështesin partitë politike;
- Projektet për blerje toke/godine/zyre;
- Projekte jashtë zonës së mbulimit të projektit në fjalë;

7. PARTNERITETET DHE BASHKËPUNIMI .

OJF-të e interesuara mund të aplikojnë në mënyrë individuale ose në partneritet me organizata dhe/ose institucione të tjera.

Organizatata partnere

Partnerë të projektit mund të jenë organizata të tjera rinore ose për të rinjtë. Partnerët e OJF-së kandidatë marrin pjesë në planifikimin dhe zbatimin e projektit, dhe shpenzimet u nënshtrohen rregullave të njëjta si ato të bëra nga vetë organizata kandidatë. Në këtë mënyrë, organizata partnere duhet të përmbushë kushtet e njëjta të legjitimitetit sikurse edhe organizata aplikuese. Nëse aplikojnë në partneritet, organizata aplikuese do të jetë organizata udhëheqëse, dhe në rast të përzgjedhjes, kjo organizatë do të jetë pala kontraktuese (përfituese) dhe do t'i marrë të gjitha përgjegjësitë ligjore dhe financiare për zbatimin e projektit. **Deklarata e Partneritetit** (Shtojca A) duhet të plotësohet në mënyrë korrekte dhe duhet të dorëzohet së bashku me dokumentet e tjera të aplikimit.

Bashkëpunëtorët: organizata dhe institucione te tjera

Organizatata dhe/apo institucionet tjera (p.sh. shkollat, kopshtet e fëmijëve, muzetë, etj) mund të përfshihen në projekt. Subjektet e tilla – bashkëpunëtorët kanë rol të rëndësishëm në zbatimin e aktiviteteve, mirëpo nuk mund të marrin grante.

8. DOKUMENTACIONI I NEVOJSHËM PËR TË APLIKUAR

I. Dokumentet kryesore:

- Projekt propozimi (në formatin Ëord - Shtojca 7)
- Buxheti (formati Excel - Shtojca 8)
- Matrica e kornizës logjike (formati Ëord – Shtojca 9)
- Plani i aktiviteteve dhe dukshmërisë (formati Excel – Shtojca 10)

II. Dokumente shtesë (për organizatën aplikuese dhe partnerët, nëse ka)

- Kopje e aktit të regjistrimit në gjykatë dhe ndryshime të tij nëse ka patur;
- Kopja e statutit të organizatës, ku specifikohet si pjesë e veprimtarisë së saj dhe zhvillimi i aktiviteteve rinore;
- Vërtetim nga gjykata që tregon se organizata nuk është në proces shpërndarje ose likuidimi;

- Vërtetim nga organet tatimore që tregojnë se organizata nuk ka detyrime tatimore apo kontribute të sigurimeve shoqërore dhe shëndetësore të pashlyera;
- Vërtetim nga gjykata që tregojnë se përfaqësuesi ligjor i organizatës nuk është dënuar me vendim të formës së prerë.
- Formulari i kompletuar identifikues administrativ (formati Word– Shtojca 11),
- Formulari i kompletuar identifikues Financiar (formati Word– Shtojca 12),
- Kopje e Pasqyrave financiare të OJF-së (për vitin e fundit e firmosur nga financieri i OJF-së sipas kriterëve në fuqi, përveç rasteve nëse organizata është themeluar gjatë këtij viti.
- Një raport përshkrues i projekteve dhe aktiviteteve të OJF për eksperiencën me projektet dhe programet me impakt tek të rinjtë (nëse ka).
- Deklarata e partneritetit në rast se OJF aplikuese ka partnerë (shtojca A).
- Deklarata e shmangies së konfliktit të interesit (shtojca B), nënshkruar nga përfaqësuesi ligjor, anëtarët e bordit si dhe personat e parashikuar për tu përfshirë në zbatimin e projektit.
- Deklarata për përqindjen e anëtarëve të rinj (shtojca C).

Shënim: Me qëllim vlerësimin e projekt – propozimit, dokumentacioni kryesor dhe ai shtesë janë njësoj të vlefshme dhe dorëzimi i të gjitha dokumenteve të sipër përmendura në 3 kopje fizike dhe 1 elektronike (USB) është i detyrueshëm.

9. KUR DHE KU TË MERRET DHE TË DORËZOHET PAKETA E APLIKIMIT

Informacioni përkatës si dhe një version elektronik i të gjithë paketës së aplikimit mund të merret nga faqja e internetit: eëë.rinia.gov.al

Aplikimet e plotësuar me të gjithë dokumentacionin, duhet të dorëzohen **në tre kopje fizike dhe në një kopje elektronike (në USB)** përmes postës zyrtare apo personalisht, të vendosura në një zarf të vulosur që i referohet thirrjes publike, gjatë ditëve të punës (prej të hënës deri të premten), gjatë orarit zyrtar, në adresën:

Agjencia Kombëtare e Rinisë,
Rruga “Naim Frashëri”, Nr. 37
Tiranë, Shqipëri

Afati për dorëzimin e aplikimeve është **20.09.2022, ora 16:30.** Në pjesën e jashtme të zarfit duhet të jenë shkruar **emri i thirrjes publike për projekt-propozime, emri i plotë dhe adresa e aplikantit, emri i plotë i projektit** dhe fjalët: **“Të mos hapet përpara hapjes zyrtare”**. Aplikimet e dërguara në mënyra tjera (p.sh. me faks apo e-mail) ose që janë dërguar në adresa të tjera nuk do të merren parasysh.

AKR do të regjistrojë çdo aplikim të marrë në dorëzim dhe do të lëshojë vërtetimin përkatës (datën dhe orën e pranimit të projekt-propozimit).

10. INFORMACION TJETËR

Me qëllim mbështetjen e OJF-ve për të paraqitur aplikime në përputhje me kriteret e Udhëzuesit, Agjencia Kombëtare e Rinisë do të organizojë takime informuese/ ditë të hapura gjatë shkrimit të projekt - propozimit. Më konkretisht:

Sesioni informues i parë (ditët e hapura për më shumë informacion) për këtë thirrje, do të mbahet në datën 08.09.2022, ora 10:30 – 12:00, online. Në vijim do të caktohet data për sesionin e rradhës (nëse është e nevojshme).

Në rast se kërkohen informacione dhe sqarime shtesë rreth kësaj thirrje, kandidatët e interesuar mund ti adresojnë përmes adresës info@rinia.gov.al, duke iu referuar thirrjes publike. Pyetjet mund të dërgohen deri më **13.09.2022**, ndërsa përgjigjet do të jepen me shkrim brenda 5 ditëve pune që nga data e pranimit të pyetjeve përkatëse. Për qëllime transparence, ose do të botohen në faqen e internetit të AKR-së.

11. VLERËSIMI DHE PËRZGJEDHJA E PROJEKT-PROPOZIMEVE

Vlerësimi

Aplikimet do të shqyrtohen dhe vlerësohen nga Komisioni i Vlerësimit, i cili përbëhet nga pesë anëtarë, të emëruar nga Ministri përgjegjës për rininë, të përzgjedhur si vijon: a) dy anëtarë të caktuar nga Ministri përgjegjës për rininë, ku njëri luan rolin e kryetarit të komisionit; b) një anëtar i caktuar nga titullari i AKR-së; c) dy anëtarë ekspertë nga shoqëria civile me ekspertizë në vlerësimin e projekteve zhvillimore dhe me ndikim tek të rinjtë¹.

Shënim: OJF-ja, përfaqësuesi i së cilës është anëtari i Komisionit të vlerësimit në cilësinë e përfaqësuesit të shoqërisë civile, nuk ka të drejtë të aplikojë në këtë thirrje as si aplikant kryesor dhe as si partner. Përfaqësuesi i shoqërisë civile në cilësinë e anëtarit të Komisionit të vlerësimit, zgjidhet me një proces të hapur dhe konkurrues.

Projekt propozimet me pikët më të larta, do ti propozohen për miratim Ministrin përgjegjës për rininë.

Aplikimet do të vlerësohen në bazë të:

(i) Kriterëve administrative:

- Aplikimi është dorëzuar brenda afatit, specifikuar në seksionin 9 të këtij Udhëzuesi;
- Aplikimi është i kompletuar sipas kërkesave të seksionit nr. 8;
- Dokumentacioni është dorëzuar në 3 (tre) kopje të shtypura dhe në 1 (një) kopje elektronike (USB).
- Konfirmimi se organizata aplikuese, partneri (dhe bashkëpunëtorët, nëse ka ndonjë) dhe aktivitetet i përmbushin kushtet e specifikuara në këtë udhëzues.

(ii) Kriterëve të përmbajtjes/vlerësimi i cilësisë së projektit dhe vlerësimi financiar:

¹ Kur një donator apo grup donatorësh angazhohen të mbështesin thirrjen e AKR-së, ruan të drejtën e propozimit të një anëtari në përbërje të komisionit. Në këtë rast, komisioni do të përbehet nga gjashtë anëtarë.

Vlerësimi i cilësisë së projektit, përfshirë edhe buxhetin e propozuar, do të bëhet në përputhje me kriteret e specifikuar në Tabelën Vlerësuese që është pjesë përbërëse e këtij dokumenti.

Sistemi i vlerësimit është si më poshtë:

Kriteret e vlerësimit ndahen në seksione dhe nën-seksione: ***Secili nën-seksion duhet të vlerësohet me pikët e caktuara nga 1 në 5, në këtë mënyrë: 1= shumë keq; 2= keq; 3= pranueshëm; 4= mirë; 5= shumë mirë.*** Secili anëtar i komisionit plotëson një tabelë individuale vlerësuese dhe të gjithë anëtarët e nënshkruajnë tabelën vlerësuese përmbledhëse për secilin projekt propozim. Radhitja e projekt propozimeve bëhet në atë mënyrë ku projekt propozimi i radhitur si i pari është ai i cili kundrejt limitit të kërkuar për segment ka fituar numrin më të lartë të pikëve deri tek projekt propozimi me numrin më të ulët të pikëve.

- Pikët maksimale të vlerësimit për një projekt – propozim janë 100;

Vendimi për aprovimin e grantit mbështetet mbi numrin e përgjithshëm të projekteve që mund të financohen me buxhetin në dispozicion. Projektet që kanë fituar numër më të madh të pikëve kundrejt limitit të kërkuar për segment do të kenë prioritet gjatë dhënies së granteve.

Shënim për Seksionin 1/Tabela e Vlerësimit: Kapaciteti financiar dhe operativ i organizatës aplikuese

Për të kaluar për vlerësim të mëtejshëm, projekti duhet të vlerësohet me 10 ose më shumë pikë, në seksionin 1. Kjo nënkupton që organizatat kanë në dispozicion buxhet të mjaftueshëm për financimin e aktiviteteve të rregullta gjatë gjithë periudhës së zbatimit të projektit si dhe kanë aftësi profesionale dhe kualifikime të cilat janë të domosdoshme për zbatimin e suksesshëm të projektit. E njëjta vlen si për organizatën aplikuese ashtu edhe për partnerët.

Projekti përjashtohet nga procesi i mëtejshëm i vlerësimit në rast se numri total i pikëve në Seksionin 1 është më i ulët se 10 pikë.

Shënim për Seksionin 2/Tabela e Vlerësimit: Relevanca

Për të kaluar për vlerësim të mëtejshëm, projekti duhet të vlerësohet me 18 ose më shumë pikë, në seksionin 2. Kjo nënkupton që projekti duhet të jetë relevant me qëllimin e thirrjes publike dhe fushat prioritare, cilësia e projektit, rezultatet e pritshme dhe qëndrueshmëria e projektit janë të konsiderueshme si dhe fondet që kërkohen janë në përputhje me aktivitetet e parashikuara.

Projekti përjashtohet nga shqyrtimi i mëtejshëm në rast se numri total i pikëve në Seksionin 2 është më i ulët se 18 pikë, sepse pikët tregojnë se megjithëse aplikanti i ka kapacitetet financiare dhe operative, koncepti i projektit nuk është relevant apo në përputhje me përparësitë e përcaktuara në thirrjen publike/ projekti nuk trajton nevojat e komunitetit.

Tabela e vlerësimit

Seksioni	Pikët maksimale	Pikët mesatare
1. Kapacitetet financiare dhe operative	15	

1.1 A kanë aplikanti dhe partnerët përvojë të mjaftueshme në menaxhim projektesh? <i>Vlerësim maksimal marin organizatat që kanë të paktën 3 projekte të zbatuara apo në zbatim</i>	5	
1.2 A kanë aplikanti dhe partnerët kapacitete të mjaftueshme profesionale? (njohuri specifike në fushën relevante) <i>Vlerësim maksimal marin organizatat të cilat kanë zbatuar të paktën 3 projekte në fushën për të cilën aplikojnë.</i>	5	
1.3. A kanë aplikanti dhe partnerët kapacitete të mjaftueshme menaxhuese? (përfshirë personelin, pajisjet dhe kapacitetet për menaxhim financiar)? <i>Vlerësim maksimal marin organizatat të cilat kanë zbatuar të paktën 3 projekte me shuma mbi 10.000 Euro.</i>	5	
2. Relevanca	25	
2.1. Sa relevant është projekti krahasuar me synimin dhe me një apo më shumë përparësi të përcaktuara në thirrjen publike? Shënim: 5 pikë (shumë mirë) mund të jepen vetëm nëse projekti trajton të paktën njëri prej përparësive të bëra publike në thirrjen e shpallur	5	
2.2 A janë palët e interesuara të përcaktuara qartë dhe të përzgjedhura në mënyrë strategjike (bashkëpunëtorët, përfituesit përfundimtarë, grupet e synuara)?	5	
2.3 A janë nevojat e grupit të synuar dhe përfituesve përfundimtarë të përcaktuara qartë dhe a i trajton projekti ato në mënyrën e duhur?	5	
2.4 A përfshin projekti vlerë të shtuar, si qasje inovative dhe modele të praktikës së mirë? <i>Vlerësim maksimal marin aplikimet të cilat sjellin risi në zbatimin e projekteve në bashkinë përkatëse.</i>	5	
2.5 A bën projekti avokim për një qasje të bazuar tek të drejtat dhe a ka ndikim pozitiv tek grupet e pafavorizuara? (Promovimi i barazisë gjinore dhe i fuqizimit të grave, mbrojtja e mjedisit, bashkëpunimi ndërkombëtar, rinia, etj.) <i>Vlerësim maksimal marin aplikimet, të cilat ndikojnë në të paktën 2 grupe të marginalizuara</i>	5	
3. Metodologjia	20	
3.1 A përshtaten plani i aktiviteteve dhe aktivitetet e propozuara në mënyrë logjike dhe praktike me qëllimet dhe rezultatet e pritshme?	5	
3.2 Sa konsistente është skema e përgjithshme e projektit? (veçanërisht, a e pasqyron analizën e problemeve të identifikuar, faktorët e mundshëm të jashtëm) <i>Vlerësim maksimal marin aplikimet, në të cilat janë marrë në konsideratë faktorët e jashtëm (sipas logframe) dhe janë prezantuar masa për eliminimin e tyre.</i>	5	
3.3 A është i kënaqshëm niveli i përfshirjes së partnerëve në zbatimin e projektit? Shënim: nëse nuk ka asnjë partner pikët e përfituara do të jenë 1. <i>Këtu nuk përfshihen bashkëpunëtorët.</i>	5	
3.4 A janë përfshirë në projekt tregues objektivisht të matshëm? <i>Vlerësim maksimal marin aplikimet, të cilat në logframe kanë indikatorë të qartë e të matshëm.</i>	5	
4. Qëndrueshmëria	25	
4.1 A do të kenë veprimtaritë e propozuara ndikim konkret tek grupet e synuara? <i>Vlerësim maksimal marin aplikimet të cilat lidhin aktivitetet e propozuara me grupet e synuara.</i>	5	
4.2 A do të ketë projekti ndikime të shumëfishta? (përfshirë mundësinë e zbatimit në grupe të tjera të synuara ose në vende të tjera dhe/ose shtrirjen e ndikimit të veprimtarive si dhe shkëmbimin e informacionit për përvojën e fituar gjatë zbatimit të projektit)	5	
4.3 A janë rezultatet e pritshme të veprimtarive të sugjeruara të qëndrueshme nga ana institucionale? (a do të ekzistojnë strukturat që mundësojnë veprimtaritë e projektit pas përfundimit të projektit? A do të ketë pronësi mbi rezultatet e projektit?)	5	
4.4 A janë rezultatet e pritshme të qëndrueshme? (aty ku është rasti, përmendni ndikimin strukturor të veprimtarive të zbatuara – përmirësime në kuadrin ligjor, metoda, kodin e sjelljes, etj.)	5	
4.5 A ka mundësi që rezultatet/arritjet e pritshme afatgjata do të ndikojnë në kushtet ekonomike dhe/ose cilësinë e jetës në zonën e synuar?		
5. Buxheti dhe efikasiteti i kostos	15	
5.1 A është i kënaqshëm raporti ndërmjet shpenzimeve të parashikuara dhe rezultateve të pritshme? <i>Vlerësim maksimal marin aplikimet të cilat kanë respektuar ndarjen e % së aktiviteteve sipas udhëzuesit.</i>	5	
5.2 A është kostoja e sugjeruar e nevojshme për zbatimin e projektit?	5	
5.3 Buxheti	5	
- a është buxheti i qartë dhe a përfshin edhe pjesën përshkruese? (përfshirë shpjegimet për pajisjet teknike)		
- a përmbushet parimi që kostoja administrative dhe e personelit nuk mund të jetë mbi 30 për qind e buxhetit total?		
- a është buxheti me ndjeshmëri gjinore?		
- a janë përfshirë CV-të dhe përshkrimet e punës, aty ku është e nevojshme?		
Pikët totale maksimale	100	

Njoftimi rreth vendimit

Në çdo rast, nëse projekt-propozimet e tyre miratohen për financim apo jo, të gjithë aplikantëve iu njoftohet me shkrim vendimi për projekt-propozimin e tyre brenda 45 ditë kalendarike nga mbyllja e thirrjes publike. Rezultatet shpallen në faqen e internetit ëëë.rinia.gov.al.

Vendimi për refuzimin e projekt-propozimit apo për mosdhënie fondesh merret nëse:

- Organizata kandidate, apo/dhe një ose më shumë partnerë të saj, nuk i përmbushin kushtet e thirrjes publike;
- Aktivitetet e projektit janë të papranueshme (p.sh. aktivitetet e propozuara tejkalojnë fushë-veprimin e thirrjes publike për projekt propozime, kohëzgjatja e parashikuar e projektit tejkalon kohën maksimale të lejuar, shumën e kërkuar e fondeve tejkalon shumën e lejuar maksimale, dhe/apo shumën e kërkuar e fondeve është më e vogël se minimumi i lejuar, etj);
- Projekt propozimi nuk ka qenë relevant mjaftueshëm; kapacitetet financiare dhe operative të organizatës aplikuese nuk janë të mjaftueshme, apo projektet e përzgjedhura për financim nuk kanë qenë superior në këto fusha;
- Cilësia e projekt propozimit ka qenë teknikisht dhe financiarisht më e ulët në krahasim me projektet e përzgjedhura për financim.

AKR-ja njofton kandidatin të përzgjedhur jo fitues mbi rezultatin e vlerësimit, hapat për të kërkuar arsyetimin e vendimit dhe procedurën e ankimit.

Kushtet rreth zbatimit të projektit pas miratimit të grantit

Pas marrjes së vendimit për miratimin e grantit, organizatës jofitimprurëse, projekti i së cilës është miratuar, i ofrohet një kontratë për zbatimin e projektit. Para se të nënshkruajë kontratën dhe nëse është e nevojshme, organizatës mund t'i kërkohen modifikime të caktuara në projekt për ta harmonizuar atë me rregullat dhe procedurat e zbatimit të projektit. Më konkretisht, kur projekt-propozimi është përzgjedhur me kusht, AKR-ja i kërkon kandidatin miratimin e tij, brenda 5 (pesë) ditëve kalendarike, për reflektimin e rekomandimeve të Komisionit të Vlerësimit për rishikimin e projekt-propozimit. Kandidati që nuk shprehet brenda këtij afati apo refuzon të rishikojë projekt-propozimin bazuar në këto rekomandime, skualifikohet dhe humb të drejtën e mbështetjes me fondet grant për rininë. Në këtë rast, AKR-ja njofton kandidatin pasardhës në listë dhe e fton në procesin e negocimit në përputhje me parashikimet e këtij neni.

Agjencia Kombëtare e Rinisë pasi përfundon procedurën e negocimit me çdo kandidat të përzgjedhur për financim, përcjell për miratim pranë ministrit përgjegjës për rininë listën e rishikuar me projektet fituese, përshkrimin e projekteve dhe shumën përfundimtare të granteve për financim.

LISTA E SHTOJCAVE

Shtojca 7 Projekt Propozimi

Shtojca 8 Buxheti

Shtojca 9 Korniza Logjike

Shtojca 10 Plani i Aktiviteteve dhe Dukshmërisë

Shtojca 11 Formulari i identifikimit administrativ

Shtojca 12 Formulari i identifikimit financiar

Shtojca 13 Lista e kontrollit

Shtojca A Deklarata e partneritetit

Shtojca B Deklarata për shmangien e konfliktit të interesit

Shtojca C Deklarata për përqindjen e anëtarëve të rinj (për organizatat rinore)